



**UNIT KOMUNIKASI KORPORAT
JABATAN PERIKANAN
MALAYSIA
BERITA PERIKANAN HARI INI**

6 SEPTEMBER 2022

SENARAI AKHBAR	TAJUK
Utusan Malaysia	
Berita Harian	<ul style="list-style-type: none">• “Baung ekor merah jejas pendapatan nelayan”
Harian Metro	<ul style="list-style-type: none">• “ ‘Hapus’ baung ekor merah”
Kosmo !	
Sinar Harian	
The Star	
New Straits Time	
Nanyang Siang Pau	
Harakah	
Oriental News Daily	
The Borneo Post (KK)	
Bernama	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR						MUKA SURAT	TARIKH
UTUSAN MALAYSIA		KOSMO!		THE STAR	NANYANG SIANG PAU		
BERITA HARIAN	✓	SINAR HARIAN		THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL		22 6/9/2022

Baung ekor merah jejas pendapatan nelayan

BH 6/9/2022
MS 22

Pemangsa agresif membiak di Sungai Pahang mengurangkan sumber ikan bermutu tinggi

Oleh Roselan Ab Malek
bhnews@bh.com.my

Jerantut: Spesies ikan baung ekor merah yang kini membiak secara berleluasa di sepanjang Sungai Pahang dari Lipis hingga ke Pekan menjejaskan pendapatan 1,106 nelayan sungai sejak beberapa tahun kebelakangan ini.

Ahli Parlimen Jerantut, Datuk Ahmad Nazlan Idris berkata kehadiran ikan pemangsa yang nama saintifiknya hemibagrus wyckioides di Sungai Pahang tu-

rut mengurangkan sumber ikan tempatan bermutu tinggi seperti ikan kelah, temoleh, jelawat, lampam, tenggalan, keral, terbul, sebarau, baung serta udang galah.

Daripada jumlah nelayan sungai itu, beliau berkata, seramai 610 nelayan sungai dari daerah itu terjejas pendapatan dengan kehadiran spesies itu.

"Baung ekor merah berasal dari Sungai Mekong, Vietnam kini menjadi ancaman utama kerana ia mampu membesar sehingga 130 sentimeter dengan berat maksima mencecah 80 kilogram.

"Ia adalah spesies ikan keli terbesar di Asia dan sejenis ikan air tawar kategori pemangsa agresif dan makan hampir semua jenis ikan di habitatnya," katanya selepas menutup program 'Moh Buru Baung Ekor Merah' di Jerantut Feri Waterfront, kelmarin.

Yang turut hadir, Timbalan Pengarah Perikanan Pahang, Muhammad Nur Ashry Bassari.



Ahmad Nazlan (tengah) melihat ikan baung ekor merah yang berjaya ditangkap selepas menutup program 'Moh Buru Baung Ekor Merah' di Jerantut Feri Waterfront, kelmarin.
(Foto Roselan Ab Malek/BH)

Seramai 170 peserta menyertai pertandingan selama dua hari itu dan Mohd Izudfin Abdul Rahimi muncul juara dengan ikan tangkapan terbesar iaitu 19.34 kilogram dan membawa pulang hadiah utama RM3,000.

Tak pernah keluar permit

Ahmad Nazlan berkata, pihaknya berharap usaha memburu spesies itu di Sungai Pahang yang kali pertama diadakan melalui program 'Moh Buru Baung Ekor Merah' dapat memberi kesedaran kepada nelayan sungai ancaman ikan itu dan mengurangkan pembiakannya.

Beliau berkata, Jabatan Perikanan tidak pernah mengeluarkan sebarang permit untuk membawa masuk ikan baung

ekor merah ini bagi tujuan ternakan ikan sangkar.

"Kita difahamkan Jerantut adalah daerah tangkapan ikan terbesar dengan 148.25 tan pendaratan ikan sungai dengan nilai RM895,524.

"Pada masa sama, perikanan sungai turut terdedah kepada ancaman daripada kegiatan manusia yang merosakkan ekosistem sungai seperti pencemaran sungai sehingga menyebabkan kepupusan sumber perikanan," katanya.

Dalam masa sama, beliau turut mengingatkan nelayan sungai supaya memanfaatkan kekayaan sumber perikanan sungai secara bertanggungjawab dengan mengelakkan penggunaan alat yang merosakkan sum-

ber alam seperti racun, tuba, bahan letupan dan elektrik.

Selain itu, Muhammad Nur Ashry berkata, pihaknya sudah melepaskan sejumlah 14.15 juta ikan dan udang galah ke sungai utama, anak sungai dan tasik di seluruh Pahang sejak 2010.

Katanya, benih ikan ini dikeluarkan oleh Pusat Pengembangan Akuakultur (PPA) Perlok di Jerantut dan PPA Bukit Tinggi, Bentong.

"Pada tahun lalu, kira-kira 2.75 juta ikan pelbagai spesies dilepaskan ke perairan umum bagi menambah stok ikan dan turut disumbangkan kepada pentermak akuakultur. Sehingga bulan lalu, sejumlah 675,000 ekor benih pelbagai spesies ikan air tawar di daerah ini," katanya.

JENIS AKHBAR					MUKA SURAT	TARIKH
UTUSAN MALAYSIA		KOSMO!	THE STAR	NANYANG SIANG PAU		
BERITA HARIAN		SINAR HARIAN	THE SUN	ORIENTAL DAILY		
HARIAN METRO	✓	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF			NEGATIF	NEUTRAL		7 6/19/2022

'Hapus' baung ekor merah

HM 6/19/2022 MS 7

Spesies ikan asal Sungai Mekong ancaman utama sumber ikan bermutu tinggi tempatan

Oleh RoselanAb Malek am@hmetro.com.my

Jerantut

Spesies baung ekor merah yang kini membiak secara berleluasa di sepanjang Sungai Pahang dari Lipis hingga ke Pekan menjejaskan pendapatan nelayan sungai sejak beberapa tahun kebelakangan ini.

Ahli Parlimen Jerantut, Datuk Ahmad Nazlan Idris berkata, ia turut mengurangkan sumber ikan tempatan bermutu tinggi seperti ikan kelah, temoleh, jelawat, lampang, tengalan, kerai, terbul, sebarau, baung serta udang galah. Katanya, seramai 1,106 orang nelayan sungai termasuk 610 orang nelayan sungai dari daerah Jerantut terje-

jas dengan kehadiran spesies itu.

"Baung ekor merah atau nama saintifiknya Hemibagrus wyckiioides berasal dari Sungai Mekong, Vietnam kini menjadi ancaman utama kerana ia mampu membesar sehingga 130 sentimeter dengan berat maksimum mencecah 80 kilogram.

"Ia sejenis ikan air tawar kategori pemangsa agresif dan makan hampir semua jenis ikan"
Ahmad Nazlan

"Ia adalah jenis ikan keli terbesar di Asia dan kewujudannya dilihat semakin membimbangkan dan ia sejenis ikan air tawar kategori pemangsa agresif dan makan hampir semua jenis ikan di habitatnya," katanya selepas menutup program Moh Buru Baung Ekor Merah di Jerantut Feri Waterfront, semalam.

Turut hadir Timbalan Pengarah Perikanan Pahang, Muhammad Nur Ashry Bassari.

Katanya, pihaknya berharap usaha memburu spesies itu di Sungai Pahang yang pertama kali diadakan dapat memberi



IKAN baung ekor merah boleh mencecah berat 80 kilogram.

kesedaran kepada nelayan sungai ancaman ikan itu dan mengurangkan pembiakannya.

Menurutnya, Jabatan Perikanan tidak pernah mengeluarkan sebarang permit untuk membawa masuk ikan baung ekor merah ini bagi tujuan penternakan ikan sangkar.

AHMAD Nazlan (tengah) melihat ikan baung ekor merah yang ditangkap nelayan sungai pada program Moh Buru Baung Ekor Merah di Jerantut Feri Waterfront.

